

Yiith e raan ci caal e pinyinhöm

Ajokcok

Nä caa athëek tö e baai thök e thai yic gäm ku yithkën thonj tö e nyiinkën, kek aalau enhom ku thonj, ku dör e pinyinhom.

Ku nä ci yiith e raan mar ekɔc nhiim, ku dhalkek bi kuöc lööi beī epion e raanic, ku aye raan thök eben waa bi ben epinyinhom bi raan liek e lau enhom e jamdeic, ku theek yanhde, ku ci bën rioc, ku ɲɔŋ.

Ku na peth bi lööŋ raan aaköuny, bi raan cii nyany e rin eköuc löui ye löui yën, ku tɛŋ enyin piny.

Ku nä ci wut ethai matyiic, yen gam e cök elööŋiic lön de raan yith tääm kua theek, ku na thön möc nhöm kek e tik e yithiic kua ci tääm bik röt aaköuny bi pir piath baai ku lëü yic.

Ku na ci beī tö akutic gam bik ka cin mat kek akut e mawuut epinyinhom(UN), bik yith e raan ku lau enhöm kua theek aatiit.

Ku na ɲic eben lön e yith kak ku lau enhöm alëŋ köuny dit kua thek e gëm gëm ken yic.

Ka kut dit adhël.

cööt ecɛɛl ken yic erin yith e raan, erin yën e tën eröm ethai eben thin, ku(UN), wic bi raan tic e ciɛŋic ku tää ka nyiin piny ecɛɛl ken yic, bi athek eyith ku lau enhöm kak cök cökpiny edhöl epioc ku wää ku cɛɾ cɛɾ ebaiyic ku pinyinhöm bi bik tiit. epiny nhöm eben ekäm ebëi tö akutic, ku thai awëñ rɛɾ tö eke cin.

Wiën 1

Raan thök eben aye dhëeth ka lau nhöm kua thönj nhiim eyithiic, kua thekic, kua ci yëknhiethku puou, ku bik cëŋ ka ke ye mith etik.

Wien 2

Raan eben alëŋ yic bi liek eyithiic ku lau enhömic ecɛɛl kenic ka ci tääkëk ethök etiël ekuat, ku kit, kemen thai ku thök ku yanh ethëek ku wël ebai kmen wɛɾ dɛɾ löi e röt kemen bai ku ciɛŋ bai kemen jæk ku dhëth kemen kuat etau dɛɾ löi e röt ka cin tääkëk ethök ekäm mö ku tik.

Ku cit te wen ci yen luel, acin tiel tö e wel ebai yic ku lööŋ ku kem ebëi ku ten wen rër eraan thin pan cëŋ kemen ci cään kemen aci röt mac eröt, kemen tö eraan dët cin.

Wien 3

Raan thök eben alëŋ yic bi pir ku leu nhöm ku le laŋ.

Wien 4

Kuat eraan acii leu bi kool kemen bi loony kuat epɛc ku loony thok eben aci pään.

Wien 5

Raan thok eben aciben e lëëŋ kemen bi köuc yöŋ ci min elai, keme bi joor bi ci thëk.

Wien 6

Raan thok eben kuat et ci yen yok thin alëŋ yic bi gam ka ye raan lëŋyic elooŋiic.

Wien 7

Raan thok eben aathonj nhiim elooŋ nhiim, kua lëñ yic bi liek eköuny thonj nhöm ka cin tiel bi looŋ kak tiit.

Wien 8

Raan thok eben alëñ yic bi luk ebanypanden nhiimbi yicde yok ci min eyith tuëŋ e looŋ kek gam yen.

Wien 9

Ran thok eben aci leu bi döm kemen dampiny, kemen cöb ewëi baai edieny.

Wien 10

Raan thok eben alɛŋ yic bi nhöm agit ka kɔc kɔk, bi lunde tiŋ elüok pathiic bi yek yicde ekɔc nhiim ku kak ci gämröt, ku kuat emɛny ci yen mɛɛny göup.

Wien 11

Kuat eraan ci mɛɛny, acin göup awuc ɣet te bi loŋ yen nyooth lon le yen göup awuc ekɔc nhiim ku kony bi rot köuny bei.

Raan aci luk ewei erin eken ci löi kemen ci kuc bi löi, ke ce yen awuc ye loŋ ebaai nyooth, kemen loŋ epinyinhöm, te wen yen looi yen rot thin.

Wien 12

Acin raan ekëec epir eraande yic, kemen pande ku ɣonde kua thorkeiic kemen bi dhɔl ku rɛc erin edieny, ku raan eben alɛŋ yic bi loŋ köuny ekak cit ekak yiic.

Wien 13

Raan eben alɛŋ yic bi cɛɛth te wic ku lɔc te den erëer eɣan akeu thok eben ebaai yic.

Raan eben alɛŋ yic bi la te wic epiny nhöm agut panden kua lɛn yic bi dhok thin.

Wien 14

Raan eben alɛŋ yic bi kook pandet, kemen bi them bi kook thin ka kat eköuc ciɛŋ.

Kuat eraan ci kaŋ yath elukic awuc ca awuc ewel ebaai kemen bi lui eke ce röm kek eloŋ (UN), acii lɛŋ yic bi liek eyic ken yic.

Wien 15

Raan eben alɛŋ yic bi rot yek anyööth lön eyen ran ebaai.

Aci leu bi raan pɛn wɛr erot edieny, kemen bi jai lön ci yende yic bi rot war.

Wien 16

Mɔc ku tik te ci kek roun ethëek dööt, aalɛŋ yic bik ker ebɔɛi ku löike mith ka cinic ale kemen yath kua lɛŋ yiith thöŋ nyiin ethiëkic ku loui yic ku pök yic.

Thiëk ci loi ka kic ekɔc thiëk rot gäm kua ci mɛc ekek.

Mɔc ku tik kek aamaatic tueŋ ebaai, kua lɛŋ yic bik liek eköuny baai ku baai nhöm.

Wien 17

Raan eben alɛn yic bi lɛŋ kede erot, kemen bi rɔm kek kɔc kok.

Aci leu bi raan pëec cin bei ekake edieny.

Wien 18

Raan eben alɛŋ yic bi tak ka lau nhöm popuonde, yanhde kua lɛŋ yic bi yanhde waric kemen ke ye thëek kua lɛŋ yic bi pioc ku yeknhöm ku nyooŋ ku tiit ka thien keme ekɔc nhiim.

Wien 19

Raan eben alɛŋ yic bi wetde luel ka lau nhöm kue yic ken egäm ewel ka launhöm ka cin raan la thin ku y'ŋ ewel ku tektek ku cɛɛl kek edhol ci takic ka ci luui aken ewuad.

Wien 20

Raan eben alɛŋ yic bi mɛt akutic kua kuut la lik.

Aci leu bi kuat eraan mat akut ci wic yic eriel.

Wien 21

Raan eben alɔɛŋ yic bi lui miric panden bi kuany egai ekɔc ekuany.

Raan eben alɛŋ yic bi lui ci min ekuat eraan lui baai.

Ke wic kɔc ebaai yen eya rie e mir. ku ke wic kɔc kene ekueny kuany bi kam bi yaa weenic ekuany aliklik ka kɔc thöŋ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt eköciic aaleŋ yic bi köny eköc bai ku köc epinyinhöm ka cit te ye panden ye loui thin ku yith epiŋde ku cieŋ ku wëet ci rot pal athekde yic la tueŋ ku thiek yicde.

Wien 23

Raan eben aleŋ yic bi lui ku kuany ka cit te wic e yen kua leŋ yic bi köny bi lui.

Raan eben aleŋ yic bi lui a riob thoŋ nhöm eloi yic ka ci yic tiel.

Raan eben aleŋ yic bi riob ariob ci gam bi rot muk apth ku juak ekak awen bi piŋde cökpiny.

Raan eben aleŋ yic bi dit ku met akuic bi ka ke tiit köth.

Wien 24

Raan eben aleŋ yic bi löŋ kemen bi cin lau ku nyoth enin ken eloi ku kol cin yen loi thin.

Wien 25

Kuat eraan aleŋ yic bi piŋ ka piol goup ku mit puou ka pande ecampathic, kua leth ku ten enin ku ka wen eköc kouny baai kua leŋ yic bi piŋ cök nyinic ke cii yen lui, ku tuany, kemen ci bäl ku lëer kemen ci dhiöb ku la kak awen epiŋ mietic, ka leu yen cin thin.

Meth ku man aleŋ yic bi kek köny ku muk kek apath ku mith eben athöŋ nhiim bi kek tiit baai mith dhëth moc kek ku mith e lim.

Wien 26

Kuat eraan aleŋ yic bi pioc kua dhil epioc epath tueŋ, ku pioc tueŋ adhil emac eya nhöm, kua pioc etëet ku loi loi ecin ku cöl pioc den la tueŋ apiolic, bi nhöm thöŋ ka jaŋ.

Ku wëet ke ku bi thiekic ku thëk ka ye raan ku lau enhöm la tueŋ e cieŋ ku pëlpiny ewel ku mäath ekem e wuuut ku la kuut, ku köny thaai epinyinhöm bi door muk.

Warken emith aleŋ yic bik mithken wëet cit te wicke.

Wien 27

Kuat eraan aleŋ yic bi met ka lau nhöm epiŋ eköc ebaai yic, ku bi liek etëetic kua jueer erin ela tueŋ epioc ku bi kak bi ben bei yhin kec köuny.

Kuat eraan aleŋ yic bi ka path ku cieŋ ken epioc tiit.

Wien 28

Kuat eraan aleŋ yic bi liek ecieŋ eköc epinyinhömic, bi yithke ku lau enhöm ci nyooth ecëel ken yic yok egai.

Wien 29

Raan eben adhil köc loui bi yen nyouth lon te yen eköciic bi dit ka lau nhöm.

Raan eben adhil yithke thaap ka kacit te ci looŋ yen nyouth thin bigemgem e yith e köc kök, ku lau e nhömde kua thekden, ku jöl aathöŋ nhöm e loiloi yiic, ku ka pöth eyok eben ku jam aathëek ecieŋ eköc epaan ekëc thoŋ nhiim.

Aci rot kaŋ leü ather bi yith kak thaap ka ce te wen wic thai epiny nhöm ke thin.

Wien 30

Acin wet leu bi war kemen bi cökpiny e cëel ken yic ku luel ala ka ci pan ken kemen raan ken aci looi bi lyiith ku lauenhöm ci ben thin rac.